

PP. 1-3. South Sotho custom

1. Monghali tsena li tsoa ho monna moholo e mong o re mehleng ea khale.

burial

Ha motho a ne a shoele o na epeloa ka mokhoa ona. O na chekeloa sekoti se se chitja hobane motho o na a kokomatsoa joaleka ha a lutse a sehliloe ka tlasa mangole e le hore a tle a tsebe ho lulisoa fatse a kokomalitsoe. Seaparo ho thoe o na a apesoa kobo ea khomo e suhiloeng e bitsoang mokhahla a thatiloe ka eona joaleka ha motho a apesitsoe a khurumelitsoe sefahleho. O re motho o na a kokomatsoa joalo e le hore e tle e re mohla tsoho ea bafu e fihlang ba tle ba eme hang ba re rao hoba ha ba robotsoa fatse ba kokomalitsoe ba shebisitsoe Bochabela.

des

2. O re mehleng ea khale batho ba ne ba tena matlalo a suhiloeng a linku kapa a lipoli, hona e be e le borikho e ba banna bo nong bo tsoapetsoa ka linokeng, bo no bo bitsoa tseea. Ea bolelang tsena o re basali bona ba ne ba tena matlalo a likhomo a suhiloeng a sehoa a etsoa ntho e kang mose oa sekethe leha empa ona e be e le o molelele ka morao o otlang maqaqailaneng a maoto kapele o khaola lirope ka lehare joale ho ena le o mong mose o monyenyane kahare o tenoang le ona oa khomo ona o no o etsoa ka likhoele tse ohliloeng hantle tsa setlama se bitsoang tsikitlane joale e be he e tlotsoa ka letsoku. Hammoho le mose ona o moholo oa kaholimo e leng oa khomo hona e be e le tsona liaparo tsa basali bakeng sa mese, 'me mese ena ke e sa ntseng e tenoa le kajeno ke banana ba batho ba batso ba bololitsoeng. Mese ea likhomo le lithethane tse tlotsitsoeng ka letsoku ke tse tenoang ke banana ba bololitsoeng ba esong ho hlatsoe letsoku hoba bohle ba bolotseng mohla ba tsoang ba tena ntho tseo

li tlotsitsoe ka letsoku 'me ba bitsoa ka lebitso lena la litsoejane mohla ba tsoang ho bitsoa banana ka lona, mohla ba hlatsoang letsoku lena ba bitsoa baroetsana.

3.
girl
leballs

Hape banana ba bollela hae le ntlo ea bona ha e chesoe feela mohla ba tsoang ho etsoa mokete o moholo haholo. Bosiu ho besoa mollo oa motonanahali joale pina e be e kholo ho binoa ho potoapotoa mollo ona khanare ena e tsabehang. Mokete oo he ho thoe ke thojane. Hoa binoa ho tloloe ho fihlela hosasa joale e re ha tsatsi le chaba 1 litsoejane li be li isoa ka tlung mohlang oo he ke mohla moropa o letseng o khabola le bosiu ka ha banana ba bololitseng ba na le moropa o entsoeng ka lekhala le omileng ke hore ka kutung moo le leng letenya eaba lea fatoa le phungoa lesoba eaba ho thijoa ka mahlakore a mabeli ka lekoko la pere e be ho siuoa lesoba le lenyenyane ka hlakoreng le leng. Banana bana ba bitsoa bale ka nako eo ba sa bolotseng ka eona ba itlotsitse hohle ka mobu o mosoeu o bitsoang phepa. Hape ha ba bitsane ka mabitso a bona a tsoalo ba bitsana ka a bo ra-nyeo a kang

4. Ramosiuoa a bo Ralimakatso. Leha ba buisana ba re banna ha ba re basali, ba bitsana joalo ho fihlela ba etsoa mophatong oo oa bona.

long
do.

Kanthe bashemane bona mohla ba tsoang mophatong ba ee ba mathe ba hlobotse ho leba hae moo motho ea ba bololitseng a lulang teng ba baleha joalo. Ntlo eo ba neng ba lula ho eona e mane thabeng kapa thoteng e 'ngoe feela e khethiloeng moo basali le banana le bashemane ba sa bollang le banna ba sa eeng teng leha e le ka mohla o le mong. E sala e chesoa ke e mong ea setseng teng che a sa e chese ka boomo empa e le molao oa teng hore e chesoe. Oho e re ka ha e chesoa mantsiboea mosi oa teng

- oho ke o tsabehang moo khabo e eang e tlola eaba ntho e tsabehang ruri. O re joale bashemane ba tsoa batla bonna he koana ntlong e chesitsoeng joale etlare ha ba atamela
5. motse ba lule ho se ho ena le banna he moo ba fihla ba ba tlotsa ka letsoku hohle 'meleng le lihlohong ba apesoa likobo tse ncha tse reng tlere ke letsoku ba se ba tenne litsea tsa linku joale bashemane bo likoto le mesaqa e tlotsitsoeng ka lona letsoku lena tsohle tsa bona ke tse letsoku kaofela. Baa nyoloha joale pina e le e kholo ho ea hae. Banna ba ithoka ba tlala ba rahaka ba fataka marole a thunya e le monyaka joale. Ha ba fihle ba fihlela khotla nqalong eo banna ba lulang teng moo ho bueloang le linyeoe litaba ha li le teng. Joale bo tla ithoka borolo ka lithoko tseo ba li rutiloeng ke banna ba khethiloeng ho lula le bona mephatong ba bitsoang basuo joale bo tla ithoka lillo e be lillo ho baholo ke ho hlomoha ha ba utloa se boleloang ke bana. Hape ba ithoka ka bo mong ke hore ka bongoe mohlang oo. Banna ba tla bina bosiu
6. bohle meketeng ena e 'meli oa bashemane le banana ke mohlang oo ho hlabiloeng linonneng makhomo le manku bashemane bona. Ore ba ne ba hlabeloa poho ke hore e nama e thata ba tle ba tiise melala ka ha mehleng eo ho no ho sa khantsoa likhoka. Le bona bashemane ha ba bitsane ka mabitso a bona a tsoalo ba bitsana ka ao ba tla ithoka ka ona ke hore e mong le e mong o ipitsa ka lebitso leo etlare ha a ithoka a ipolele ka lona a kang ana bo Leratha, le a bo Lenepa. O re ba ne ba ithoka tjena - Lerotha o oele sebataolong eitse ha a tsoka a na a ikonka, a re mphophoreng hloho ke matlala, ke mahoholi a noka ke tlaletsoe esale ke tlalloa Phuthiatsana, sefate se eme ka nokeng Lerotha, sa na sa tsolla makala e sona ntho tse khunoana.

end s. 62